

Tico Croes ke sa si

CONSEHERO DI MEP A BIRA CONSEHERO DI GOBIERNO

ORANJESTAD (APA)

For di e parlamentario Tico Croes, di e fraccion di AVP, EXTRA a haya copia di e serie di pregunta cu e la manda pa ministro president.

E ta puntra premier Oduber si e por informá Staten si e mericano, Allen Clobridge, ta un consehero di gobierno. Y si e promé mandatario por confirma pa Staten cu si sr. Clobridge ta e mesun persona cu a consehá partido MEP den e ultimo campaña electoral.

E kier sa si ministro presidente por confirmá Staten si sr. Clobridge ta forma parti di e grupo APAT (Aruba Planning Advisory Team), cual grupo desde april 1989 ta consehando gobierno.

Tambe e kier sa si ministro presidente por confirma Staten si ta berdad cu gobierno ya caba a paga e grupo APAT e suma di 1 mion florin? Si e suma aki no ta correcto, ministro presidente por a informa e suma exacto cu a pa-

ga APAT te cu Augustus 1989, e kier sa. Tambe e kier sa si ministro presidente por a informa Staten kiko ta exactamente e tareanan di APAT y cual ta e resultado-nan concreto cu APAT a logra te cu awor pa Aruba?

Por ultimo e ta puntra e promé mandatario si e por informá Staten cu cual departamentonan di gobierno APAT ta trahando y kiko ta e opinion di e diferente departamentonan aki encuanto di nan cooperacion cu APAT?